



B7

Zmaja od Bosne 123  
71000 Sarajevo  
(033) 456 - 789

Posao.ba

15.3.2017.



Poštovani,

Veliko nam je zadovoljstvo predstaviti softversko rješenje za jednu profesionalnu, uglednu i perspektivnu organizaciju kao što je Vaša. Naše rješenje predstavlja kvalitetan rezultat rada naših stručnjaka, koji su u isto uložili svoje znanje i umijeće.

Sistem, koji mi nudimo, ima za cilj da omogući put ka uspješnijem i organizovanijem zapošljavanju ljudi. Glavne beneficije sistema su:

- ★ Jednostavnost i efikasnost korištenja sistema za poslodavce i nezaposlene
- ★ Poslodavcima nudimo efektivnu promociju oglasa i lako pronalaženje zainteresovanih stručnjaka
- ★ Nezaposlenima nudimo jednostavan način informisanja o aktuelnim ponudama za posao u njihovoj struci
- ★ Prilagođenost sistema korisniku u vidu selektivnih pretraga
- ★ Siguran način komunikacije između zainteresovanih strana putem našeg sistema
- ★ Jednostavnost i uniformnost unesenih biografija i oglasa u vidu predviđenih predložaka
- ★ Lakoća održavanja sistema te mogućnost nadogradnje i unapređivanja u skladu sa zahtjevima tržišta

S obzirom da su podaci kojima sistem raspolaže povjerljivi, naš razvojni tim će se svakako pobrinuti da se sigurnost sistema ne dovodi u pitanje. Naš sistem će Vam pružiti vjerodostojnu evidenciju o svim procesima i neće doći do “gubljenja” informacija o istim. Pored toga, Vašem administratoru ćemo omogućiti potpunu kontrolu čitavog sistema. Ono što Vam garantujemo je pouzdanost, sigurnost, tačnost i zaštićenost podataka.

## Osnovne funkcionalnosti sistema

Ovaj sistem će pružati osnovne funkcionalnosti kao što su:

- ★ Registracija korisnika (poslodavci i oni koji traže posao)
- ★ Ostavljanje oglasa i pregled istih
- ★ Razmjena poruka između korisnika

## Funkcionalnosti sistema prema akterima

Funkcionalnosti sistema možemo posmatrati i sa aspekta aktera u sistemu.

Administracija:

- ★ Priprema template-a za oglase
- ★ Dodavanje, editovanje i brisanje kategorija
- ★ Brisanje oglasa
- ★ Generisanje izvještaja (broj oglasa, broj prijavljenih...)
- ★ Isticanje određenih oglasa

Poslodavci:

- ★ Unos osnovnih informacija o poslodavcu
- ★ Unos oglasa za posao: ispunjavanje predefinisano template-a za oglas
- ★ Mogućnost sakrivanja određenih informacija o poslodavcu
- ★ Ponovno postavljanje isteklih oglasa
- ★ Pretraga korisnika

#### Korisnici:

- ★ Unos ličnih podataka
- ★ Prijava na oglas

#### Gosti i korisnici:

- ★ Pregled i sortiranje oglasa po kriterijima lokacije i kategorije
- ★ Mogućnost pretrage oglasa (moguće će biti prikazati i istekle oglase)

## Zašto B7?

“B7” je kompanija koja je u svojih 5 godina djelovanja postala prepoznatljiva po svojim efikasnim, prilagođenim i jedinstvenim web stranicama. Veliki broj uspješno izvedenih i implementiranih projekata govori o ozbiljnosti i kompetentnosti kompanije.

Kompanija konstantno teži ka unapređenju znanja i vještina zaposlenika. Prate se moderni trendovi, koriste se najnovije platforme za razvoj, uz korištenje i starijih platformi.

Mjera uspjeha kompanije se ogleda kroz zadovoljstvo i uspjeh klijenata, što je ujedno i glavni motiv i cilj poslovanja. Najveći uspjeh kompanije predstavlja lojalnost klijenata kao što su Oriflame.ba, Olx.ba... Naša rješenja zadovoljavaju svjetske standarde.

Pored svega, nudimo Vam i:

- ★ Stručnu pomoć u definisanju, nabavci i isporuci potrebne računarske i ostale prateće opreme i softvera
- ★ 24/7 online i telefonsku podršku u toku trajanja ugovora
- ★ Podršku za hitne intervencije
- ★ Detaljnu dokumentaciju koja će Vašem osoblju osigurati lakše korištenje softvera
- ★ Obuku korisnika
- ★ Besplatno održavanje sistema u prvih 12 mjeseci.

Cijena softvera: KM 10.000,00

Garancija: 24 mjeseca.

Vrijeme realizacije projekta: 3 mjeseca.

Nadamo se da sve navedeno predstavlja dovoljne reference da B7 bude Vaš izbor.